



豐陽先生集附錄

明亞中大夫福建布政使司左叅政馮公墓誌銘

秀水馮夢禎撰

公諱臯謨字明卿別號養白姓馮氏世爲海鹽之
梅園里人梅園在豐山之陽故學者又稱豐陽先
生曾祖璿武德衛經歷以軍功得封封父母支半俸
亦異數也祖金生三子長卽公父封刑部郎軋公
生有異徵儀表竒偉五歲刑部君授書膝上悉成
誦十五通周易十八以尚書補諸生嘉靖己酉登

鄉薦明季康成進士官刑部郎三季銓司賢公
疏改河南道御史又改尚寶丞俱報罷蓋分宜相
銜公不一顧而同鄉某復與公左交沮之內辰恤
刑江南多所平反丁巳擢僉察江西時分宜在所
部不得不一見分宜故倨甚見客每自占南面坐
而坐客於傍公不可升堂徑引分宜坐自坐分宜
已大不平會舍人子橫里中公受牒捕笞之荷校
通衢者三月分宜陽致書謝而內銜公次骨時倭
事起諸狼土兵從調者所過標掠民間患苦之不
減倭遣出九江公時攝事下令別市如故第貯水
於門以須兵方道渴既得水喜甚感謝太人服公
算公在官踰季解紛剔蠹政聲赫然而秉銓者卽
前鄉人某也意不能棄伎忌竟徙公廣東左叅議
守惠潮道駐潮州潮地旣多瘴而是時逆賊張璉
據饒平西聯大埔蕭雪峰程鄉林朝曦僞號三王
流劫閩廣戕殺憲臣而外與倭夷及海寇逋逃相
犄角分宜相謂此足困公矣時督府某惟恇棄意
用兵公知其不可謀事而守道故事又不得主兵

公至姑彌縫盜源爲內固計今所行條鞭投櫃法
公所創也公在潮經季賊形勢與用兵方略已了
然目中而進賢張公臬者賢豪大夫也方起家督
府來代一見公卽詢制禦策公曰璉等與倭若寇
合則兵不易戢今莫若先赦海寇使得自效與同
力逐倭倭遁然後會兵大征一舉而璉等可禽也
張公然其言亟表公行副使事盡以兵事委公於
是海寇王伯宣許朝光林道軌者悉爲公效命而
倭連挫伯宣者南洋人機智雄海上呼吸可召千

人林許俱畏懼之倭與官兵相持三河曰久公密
出手書招伯宣立功伯宣素孚公威信聞命卽至
公喜降階慰勞立賜卮酒授以旄符將精兵千詭
爲倭服夜駕輕艘百餘疾至三河先布蒺藜於地
令歿士數人從山後登高嶺吹蘆叫呼倭以爲軍
從天而下倉皇驚竄盡觸前所布蒺藜扶傷而戰
自辰迄午歿者過半遂解三河之圍自伯宣用而
倭稍辟易可一意事璉等矣歲甲子四月集水陸
師十萬於廣州分哨爲五合和平詔安二哨爲七

公以烏槎哨居中兼制六哨尅期向饒平師度程鄉山行七日食且盡賊兵守隘師不得過公與數十騎奮而前賊憚公威名亟引去師乃得前而軍中洶洶言食盡督餉者虞有變逸公公聞之迂道至一村落大呼我馮使君也天兵臨賊曰莫且破而乏食若輩能相濟乎村民熟公德竟捐私帑得米數百石羊豕數百頭公分遣健卒立賦各哨士心大安巴公復從三河督餉數百艘蔽江下而賊夾水發火箭光燄燭天衆愕曰事去矣公曰無恐遂更服從浚舫絕流先登屬一人僞爲總兵官持黃紙鳴橈伐鼓向賊呼曰各聽赦賊信之倉卒不知所爲咸羅跪獻牛酒犒師餉遂得達五月丁亥圍饒平軍於大埔南諸將請攻璉公曰不可攻璉則堅者瑕先襲蕭雪峰擒之璉窘乞撫公僞許之而陰勒大兵迭進遂擒璉得其僞印一條記一斬馘甚夥歸報張公於潮而璉所僞署都督某等倡言朝廷意叵測聚衆數千屯據象頭寨其地綿亘諸山百餘里四絕中坦有田可耕樹木森邃險不

可下官兵相持日久張公言非公不能了此公復
毅然任之兼程至饒平集諸大家給招安旗八令
往諭之從者三之一其黠悍者或登山投石與官
兵敵公督各哨兵奪其嶺斬馘千餘巢穴遂清捷
聞公復中忌者口但實陞副使而已初議饒平大
埔旋師卽搥程鄉而師老不堪用於是林朝曦奔
陰那山設脩甚固公乃僞發家屬還省若不以程
鄉爲意者令新撫民牽舟行舟出賊中二百里將
逼賊巢時朝曦方擁麗人飲帳中公稱疾且止密

遣所信致賊酋二人謂曰若知兵屯境上之故乎
爲朝曦耳若取朝曦來吾官若立解兵盡貸若曹
歿二酋曰唯唯卽以是夜五鼓縛朝曦及麗人至
三穴盡平是役也公在軍中三季出入萬歿賴

天子威靈督府專任會其成功論賞當以公爲最
不聞茅土褒錫而讒毀日至至公所用王伯宣者
竟以前罪與璉等俱論歿公嘗曰冥冥之中吾負
此人惜哉功成之次季二月公以入 賀行道遷
福建左叅政旣竣事本兵楊公就見公邸稱公廣

事且問季齒默然者久之曰開府闔中虛席待矣
蓋初擬公南贛或謂公未四十而止楊公甚悔之
兼何公以外難歸而某御史據廣事論公兼功奪
職閑住是時公季且五十尚兼子角巾野服寄情
煙霞進諸英彥談道論文戶外屢常滿兼幾何公
連舉二子優游林下幾三十季部院省臺以邊才
薦者前後二十餘疏公如不聞也者公身長七尺
步履端凝聲如洪鐘每臨大事安徐自若轉樞爲
福智算百出使公寄鎖鑰握樞管豈今狂虜黠倭
得意以讒見抑大志未展悲夫悲夫公爲郎時頗
留意莠文與徐子與梁公實輩遊甚洽已而徙之
於學至江西晉謁羅念菴太史曰從鄒聶諸先生
論學青原山中茲茲不休公在廣日對大敵歿生
之際神色如常已而脫屣聲利寵辱不驚得淡養
固此足驗矣公生於正德己卯十月二十日卒於
萬曆癸巳八月十五日享季七十有五元配朱氏
封安人子二長春暘縣庠生早卒次春暉國子生
孫三惟恒際可珍聘皆春暉出也女四一適海寧

庠生祝以應一適海寧國子生董廷諫一適同邑
中書舍人錢世周一適平湖孝廉陸鏊公棄恙時
營園於管山名曰白鶴又爲書院其左列以家祠
蓋公精神所常寄也春暉卜以白鶴園爲塋葬公
而以許侍御所爲狀乞銘於余銘曰
卓矣馮公勞著粵東屢擯於歿卒成大功功大數
奇讒人間之屢薦不起蕭然巖棲其身可屈其道
則伸積厚報餘庇爾後人管山之陽土肥泉香有
土一坏與天地長

明亞中大夫福建布政使司左叅政馮公行狀

門生許聞造撰

惟古有道仁人出爲國紀處爲邦範故子產亡而
遺愛未泯隨武歿而餘風猶存論德謀跡不有紀
述烏能施於後世哉豐山峩峩吐符降神篤生馮
公卓哉人倫天不憖遺梁頽哲萎今其如何而闕
斯禮門人許聞造泚筆而爲之狀曰馮公名臯謨
字明卿世爲海鹽梅園里人高祖子安封從仕郎
曾祖璿爲武德衛經歷時王威寧西征疏公叅隨

豐陽先生集 附錄
以軍功階從仕郎得分俸縣支給父母養父老相
傳從仕公爲椽時蕭山來某睚眦殺十八人夜懷
二百金遺公祈緩十日爲之地公叱曰而亟公吾
如十八鬼理於帝何明曰訟言於庭卒麗汰又嘗
拾遺金株守不忒久之有從史號於衆曰主人蚤
失金於此方持僮奴急不獲且斃從仕公立起還
金曰吾固有待也種德發祥蓋所從來矣祖金號
瑞菴父軋封刑部員外郎母曰吳媪封安人皆以
公貴公生之夕孫氏姑夢彩鷁霓旌擁緋袍貴人

至其家曰曰生男姑母喜持羊酒賀具道所以五
歲授詩書輒成誦垂髫卽嗜學弱冠爲邑諸生時
給諫錢先生直聲動天下爲士林所宗仰學使孔
公天胤謂公國器奚多於一第爲公紹介於錢先
生期以聖賢之學錢先生果大奇之遂爲高第弟
子己酉就計偕明季成進士授刑部雲南司主事
歷員外郎刑部故稱閒曹多文學士公於同季中
梁有譽宗臣吳國倫徐中行尤厚善相切劘蓋詩
非開元而上文非東西京而上毋述矣顧一時七

子皆豪自高取時忌而公嘿嘿不自炫迺名亦曰
藉藉起時給事御史缺擬以曹郎徒補進賢萬公
浩甚器公疏上不果乘何吏書李公默復疏公改
補光祿寺丞又不果當時有閹媚公者蓋難言之
矣俄而使論江南獄平反視諸省爲多又明年轉
江西按察司僉事攝九江時東夷寇吳越先是川
廣兵調過九江不戢橫甚公廉得省將姓名令勒
卒歸部伍市者不止斯稱安堵矣旣而攝湖西湖
西相嵩里也奴多怙勢不汰公悉縛置於理相嵩

謬謝惟董實啣公次骨卒以此抑闕不進又攝南
昌宗室搖詭冒襲封招集亡命爲姦利中丞御史
郎御史案牘山積不敢問公廉得其冒襲狀曰爾
不盡縛奴來吾發爾陰事搖大懼果縛送諸奴奪
佔田廬子女悉聽劈畫是日南昌觀者如堵驩聲
動地公伉節直前不畏強禦類如此時東廣倭夷
海寇峒賊竝發大盜張璉崛起視諸藩獨多事會
公當徙官相嵩遂以舊啣嗾陞廣東布政司叅議
叅議故守土而公專任湖潮兵事粵雖瘴鄉故殷

甚吏往往貪黷民不堪命盜端茲起公謂平寇在保民保民在去貪去貪在平賊於是却餽遺省浮羨剔淫蠹行條鞭民心大附公廼行間諜售智勇懷叛寇卒以成功計甚秘多曲折故不具論論其大者三峒賊首李文彪賴清規等負固公單騎以當露刃而三峒悉平反者張璉與大埔蕭雪峰程鄉林朝曦竝爲三王僞授都督閣老十三道等官築城八十餘所占據詔安和平等三縣流劫江省殺副使汪一申勢張甚公督五哨兵十萬進發璉

豫截甬道將士乏絕幾洶洶變居民素德公爭持米粟酒醪牛羊豕犒師師自三河濟時分巡僉事齊遇病悸去獨公在行間謀於鄉官饒副使用舉人吳與言計而蕭雪峰擒又計招賊黨郭玉鏡等潛通間諜而張璉擒又竝進諸大家謀用土官黃仲金密致賊首爲用而林朝曦擒餘黨悉平是役也計得改元黃金鑄印一條記一生擒僞都督等官十餘斬首千級以上招安脅從數萬人事乃大定又公生長海上嫻於籌海之畧一截浮橋而塘

湖之倭潰再登埤環甲誓死激衆而潮城之圍解
又再用海賊許潮光林道軋計而大城之圍解又
赦用罪犯秦金製九龍箭逐倭入於旋寧而潮州
之圍解又用海上巨寇王伯宣許朝光林道軋計
設戰艦鐵藜水陸密布而三河之倭潰潮城之捷
得倭百十有餘級大城之捷斬倭首虜二百餘級
潮州之捷生擒真倭五百名鹵獲輜重及溺歿倭
衆不與焉時公盪平諸寇嶺東晏然咸謂伏波再
生而兩廣巡撫張公亦備上軍中曲折狀兵書楊

公博擊節訝歎擬公撫南贛撫八閩而相嵩啣公
當事者忌公得 旨僅賞紵絲一表裡銀二十兩
而齟齬且踵至矣先是公攝南昌時聞羅公洪先
鄒公守益聶公豹諸先生講學於青原山公每假
行縣入山與諸先生解衣盤礴探討辯論體認真
切主於一誠而生徒問業祁祁濟濟若司成習孔
教太守伍典御史賀一桂皆公所陶鑄士云公懸
車二十許季築圃家山杜門謝事益以著述自娛
遇佳風日與四三者偕追香山社事暇則辯晰經

豐陽先生集 附錄
一
旨薦寵下輩邑文學朱元弼中秘鍾兆斗等不下
數十人筵跡宇下而不肖聞造亦與焉公嘗進余
於別館墳典委積朱墨淋漓有集數十卷著述甚
富又觀公於順逆得喪之際聽其自至卽有橫逆
處之泰然公嘗自言吾平生不戚戚於患害不營
營於財賄進不敢負吾 君退不敢欺吾心人譽
之不加喜人毀之不加怒余觀其行事良然始有
得於青原之學不虛耳公生於正德己卯十月二
十日卒於萬曆癸巳八月十五日享年七十有五

元配朱氏封安人子二長春暘縣庠生早卒娶後
府經歷平湖陸光弼女次春暉國子生娶同邑膠
州同知湯承寵女再娶烏程孝廉沈之崑女女四
一適海寧貢士祝以應一適海寧國子生董廷諫
一適同邑中書舍人錢周一適平湖孝廉陸鏊孫
男三惟恒國子生娶同邑邳州知州沈弘遇女際
可聘同邑太學呂元美女珍聘聘同邑孝廉劉渾
女孫女一適同邑庠生沈延銓俱春暉出公仲子
春暉卜以乙未季二月三十日葬管山白鶴園卽

公所手築壙也余辱公知遇最深推轂甚至卽營
軟織悉靡不諭悉而熟習焉第不肖淺陋亡能次
第殫述重因仰君春暉所寄家狀而攬披其大都
俟名太史採覽垂不朽焉

誄

前人

今夫外負通儻中含粹懿出捍疆圉而敵王愾處
範邦族而風叔季豈非王臣之極軌學士之遐躅
歟若乃青雲之士首襲餘芬率鬻棄穢聲伐絕響
於當代躁競希榮于末路奄忽一旦泯沒千載斯

亦安生徒老與州木同腐何以稱焉吾邑豐陽先
生姓馮氏諱臯謨字明卿幼負竒志長爲大儒成
嘉靖庚戌進士歷刑部主事員外郎尋陞江西按
察司僉事廣東布政司叅議福建布政司叅政敷
歷中外望實閎偉余生也晚聞見不逮採摭靡討
至其友于鱗於比舍善子與於同籍知習公於豫
章靖寇氛於兩廣此其大者公懸車以來蓄德丘
樊養高衡泌延納傾乎纓珮賑恤周於族黨處震
撼而靜正自若總浮湛而素心不改戶屢常滿賓

豐陽先生集 附錄
御靡虛二十許季一日也乃其揆綜圖緯咀嗽芳
潤畧備諸體勒成一家又多乎哉特其餘耳萬曆
壬辰余時赴補公知我貧實助行事嗣季余應
名北上辭於治河中丞舒公公啓居先生若曰馮
先生無恙曩時主爵侯公俾撫鄖陽公獨何心削
跡周行耶噫公固不言人亦弗聞國爵屏焉公之
謂歟公享季七十有五萬曆二十一年秋八月壬
午寢疾終於豐陽里第門人許聞造聞計之曰放
衙而哭屏慮以思追憶情好綴敘鏗懿擬古而爲
之誄曰

靡德不枯靡勞弗庸理有常然數或遘窮嗟我夫
子辰胡不逢孰知其以眎天夢夢豐山降神實產
君子諒直果毅溫夷通理博洽墳籍嘔抉心髓不
朽者三疇其儷美爰遡厥初 世廟庚戌矯翮升
朝爽鳩是職玉條金科覃精殫力敬爾由獄長我
王國晉陟大藩陳臬豫章紀飭郡邑化洽膠庠燁
燁習公爰處於囊有造有德爲龍爲光稍用序遷
叅藩百粵屬有反者沉箐伏穴公冒矢石援梓杖

豐陽先生集附錄
錢大憲克平執俘折馘於維我公展采奮庸豈謂
伊人斯善媚功掩此休嘉煽彼諭託泯焉旂常棄
之蒿蓬善刀而藏於豐之里標表鄉閭穀哺桑梓
排解難紛誘掖縫士蹈矩履繩邑有彥方葆素含
真何用不臧惟 帝念功命撫鄖陽公云已矣臣
精銷亡削跡辭榮盤桓海曲白鶴名園管丘之麓
於焉營菟於焉結屋羅獵首氏沉浸醲郁著述克
棟擬古作者方駕班揚頡頏馬賈頑洞汪洋雄淡
爾雅辟易聞人前茅堪把誰謂彼蒼報施或異如

公邁種而殲玉器仲氏蔚起充閭未遂繩繩可期
公心曷慰天道乘除豐嗇靡渝功在封疆德侔商
瞿位胤弗稱遐算未涯忽遘龍蛇梁傾棟摧聞公
且革神觀弗爽羅醇擊鮮徵名族黨意存疆幹情
超悽愴齊物達生縱心條暢嗚呼哀哉鄭莊不作
文舉亦遠推轂風微通財亦罕可以急抵我未之
見質行真心如公者鮮余未弱冠夙喪所天政礮
民訛雨急霜寒負俗弗諧訟役交纏公謬余知扶
危持顛亦曰許生明德之後諒哉清忠十世宜宥

云胡風塵忍辱含垢勗之縹緗賢書僅售余時起
補烝烝橐裝公界叵羅爰方啓行余宦燕齊公疾
膏盲余適 命召公計東昌聞名且疑聞計且泣
廿載相期庶幾一日天胡不仁奪公孔亟援筆長
安臨風酸鼻嗚呼哀哉享奉七旬古稱稀齡公過
其五亦理之恒德範鄉邦言烝烝林况執干戈振
我王靈疇不有生生鮮不偏疇不有死死罕獲兼
英英仲氏秀美而賢麟角鳳毛爪舐縣縣式告仲
氏庭訓孔臧念茲在茲不愆不忘勿替引之百世
其昌我慙大招公蒐渺茫嗚呼哀哉

烏槎幕府記

豐陽馮先生任東廣平倭夷及海寇峒賊大小
數十戰屢犯危難卒就大功譚者至今偉之余
嘗季讀書先生山園兩卽君出一編示余則皆
兵行時事跡爲烏槎營中幕客所記頗爲詳悉
因與研席友朱君元弼稍點次之而仍其名曰
烏槎幕府記傳之好事備異時國史採錄其他
條上督府及指授將士移諭各賊諸文牘憎壞
爛難整不能銓寫存當季應敵制勝方畧至今

爲恨豈先生以兵謀多陰闕不欲示人犯道家
忌耶。爰觀於所以設間用降。南陽三河象頭寨
諸策引而伸之。出奇可以無窮。卽不言方畧。方
畧具是矣。丙午冬仲。門人鍾兆斗秉文謹識。
先是先生在江右。忤嚴氏。有叅藩東粵之行。益因
粵中倭夷海寇峒賊方交發。大盜張璉又起。而
流劫三省。殺官破城。聲勢張甚。故也。時軍門鄭
季老惟恹。疏題分巡屬惠先生專任潮事。先生
以嶺外向來貪黷成風。盜端此起。今欲平寇。在
先保民。爲禁貪殘。平賦役。上不得有非禮之受。
下不敢爲無名之供。至今諸省一條鞭投櫃。恣
議皆始自先生。以是厚固基本。得用其勦撫在
事。三季具知賊中緩急動靜。鄭効進賢。張公臬
起家度嶺。先生首上條議。張公覽之嘉納。遂深
信先生。可任徧檄三省調兵十萬。前討雖分哨
有五進止機密。則先生一人主之。卒之數建奇
功。諸寇悉就盪平。時世廟宸念。睠切本兵。楊
公博令驛騎五日一報事。稔知先生勞最。擬推

督撫同鄉忌者沮之僅擢福建叅政云諸功次
備列於後

塘湖地在海陽縣南倭數千據之日久四出劫掠
將窺潮州府城先生選鋒銳三千督叅將鍾坤
秀逐之鍾廣西人不知兵中伏失利先生挾一
騎走八十里夜從倭中出取間道薄城攀援而
上城中士女惶惶謂城且必陷先生登陴召集
鄉士紳畫守信地先生當南關嚴示軍法號令
諸將率分布已定五鼓倭至城下管攻南關先
生披甲手一劍誓以城爲存亡副將以下皆股
栗奮勇百倍倭飛矢射城上人則以旗裹取之
戰至日昃凡九十餘合斬倭首百十餘我兵乘
勝益奮賊喪氣却遂解潮城之圍逐出海上覆
其舟多溺歿者

南陽潮郡東南大鎮民衆萬家富商大賈湊集倭
番涎久之先生謀知其謀聞有秦金者爲鄉官
兵書翁萬達黠奴頗知兵犯罪繫獄先生出之
獄中用其策製九龍箭射倭今海陽縣括商人

木列柵爲城豫遣通判翁夢鯉督民兵三千伏
要路犄角應援時麥方熟今農人速刈之糶水
盈田中無令得長驅一切機窰俱兩日就緒賊
不及知也一日五鼓賊數千駕二百艘猝至登
岸從田田水潭止田塍一線路難行而九龍箭
又層疊分布一時齊發如雨賊倉皇奔竄盡陷
足田泥中翁夢鯉兵急起與先生兵合擊之奪
其舟沉溺歿殆盡生擒真倭五百名自江南中
倭以來捷未有如此者時方急倭不次用人部
擬先生超擢嚴相啣舊憾僅獲白金紵幣之賜
賞不酬勞識者爲之歎恨云

大城所在饒平縣南瀕海與福建詔安接界倭屯
詔安日久饒平土人避倭多携家所城居倭覘
歲夜城守必懈用竹梯越城入據之我兵環攻
失利突衝之又失利先生計用海賊許朝光林
道乾以大烏艚船數十駕佛郎機大銃每銃著
鐵彈斗許卒至城下出賊不意擊之煙焰蔽天
闔城屋瓦皆震賊驚起逃遁盡棄輜重於路斬

豐陽先生集 附錄 四
級數百解大城之圍是役也先生素以威信爲
海賊中懾服故用命如此

三河鎮在大埔縣當潮惠之間漕直商販諸貨物
皆集此最稱富饒倭二千餘據其地賊背山面
河有不可勝之險官兵相持日久迄無成功有
南陽王伯宣者海寇也先生知其可用爲手書
數字遣許朝光林道乾招之立功先生威信素
孚伯宣奉檄卽至軍前投見先生喜降階慰勞
賞以牛酒授以旗牌遣官督令召集精兵千名

衣帽韜屨俱作倭裝夜用輕艘馳至三河先散
布鐵烏菱角於地選勇士數人從後山登奪據
高嶺發號吹蘆賊以爲我軍從天而下驚皇竄
走盡踏籍烏菱角足枳自辰至午更進迭出連
合數十陣我兵氣益壯倭枳足多扶傷竄走或
跪降於道因解三河之圍大埔憲副饒相貽書
報謝曰王伯宣兵可謂鐵中之錚錚者矣其人
卒以事追論前過同逆璉磔於市先生嘗負此
歎

張璉者詔安和平間大盜也聚眾數萬僭稱王號
改奉設科取士僞署十三道都督閣老翰林等
官築城八十餘占據三縣地滾劫江省殺副使
汪一中聲言長驅江淝取南都中朝議論紛起
時分巡僉事齊遇病悸卒諸司相顧錯愕莫敢
任先生從眾中起言曰此不佞所守地不可以
累諸司請兼任守巡兩道侍御蔡特起揖謝諸
司亦合揖謝比三省會兵水陸七哨烏槎哨居
中兼制六哨又山谷嶮峻林木茂密前進爲最
難先生請獨當其難領烏槎哨賊知先生督此
哨兵力強勁用木石夜潛爲城堵截所進路先
生以王總兵寵專督本哨務而身自周流諸哨
與諸將商確機密指揮方畧計招賊黨郭玉鏡
等潛通間諜而璉遂成擒獲改元黃金鑄印一
條記一賊級六千六百餘

征璉之舉先生督五哨兵十萬從廣城發計餉每
日給米一升狼兵利輕齎多支銀程鄉橋絕停
一日又程鄉迤南七日行山谷中通乘人煙璉

豫發賊截山路諸將移文言軍乏食難進冀免
逗留罪先生奮身率數十騎前進賊憚先生威
避去數舍諸哨兵得前進兵中竊竊言乏食且
甘心督餉欲潰而散去先生聞言則迂道數里
夜至一村落疾呼爾民來村落人避兵野宿草
莽間聞呼聲舉火前來窺之先生曰吾引兵至
此饑矣有酒米乎諸物急取來吾厚與汝直
村落人稔先生德爭出所有擔負來不移時得
米數百石羊豕百數分遣健卒犒各哨得濟餒

而兵心以安隨遣人赴三河趣取餉餉百艘未
幾至璉知之夾河發火箭射之着船即焚紅光
燭天左右愕曰事去矣獨奈何先生曰吾有以
處之身自夏服取渙躬絕涼先登用一卒僞爲
總兵官張蓋揭榜吹鼓角呼兩涯賊跪聽有詔
招撫若等賊衆羅跪聽撫爭獻牛酒犒師運艘
乃得過始箭射者皆助力爲拏舟先是馬渡程
鄉橋斷驚馬先生溺焉至是又兩遇險幾不免
布政陳敬亭貽書萬尙書履菴吳中丞悟齋薦

書俱有出入賊中生歿不避等語

大埔蕭晚賊中稱爲蕭雪峰與饒平張璉程鄉林朝曦鼎立僞自稱三王師集饒平三巢俱震恐先生曰兵凶攻瑕則堅者瑕雪峰視璉猶瑕也則先計取雪峰懸千金賞密用鄉官饒副使謀以舉人吳與言故雪峰佃主令往說降之俄頃談笑間而璉之右臂以孤吳功成不願受賞聞於朝立棹楔旌之

璉就擒一月餘黨有受僞署都督閣老者皆倡言官家意叵測糾合諸夥數千屯據象頭山寨象頭山聯絡百餘里旁峻中坦如石城有田可耕不仰給於外諸哨兵累攻不克時先生已凱旋督撫張公言非公不能了此復命先生往先生兼程至饒平以爲此餘寇汰當用撫撫不聽然後勦之於是召集諸大家諭曰日璉所屬從者非爾家田僮佃僕乎以爾往諭當不疑若速呼來呼來於是賊首數百各投牒願聽撫先生給諸大家旗八面從八路躡足登象頭山衆受撫

下山者三之二其勇鷙強悍者從高崖投石下
擊官兵示官兵棄奈我何先生發令合諸哨兵
用疊陣泐更番迭進飛礮擊之聲震山谷土官
黃仲金奪嶺先入衆軍從之斬馘千餘巢穴悉
平

三巢賊首李文彪賴清規巢峒聯絡萬山北枕江
西龍南信豐南抵廣之和平中一道可六七十
里屈曲盤旋爲天設之險以故贛州特設軍門
提督三省專以控制諸巢此賊僅可鵬剿或因
而撫馭之卽陽明先生泐頭之捷亦止用鵬剿
泐他可知矣時吳興陸公穩爲軍門慷慨任事
欲蕩平此賊先生堅執謂不可單騎親至各巢
招撫之初入巢諸賊俱厲刃操戈夾道以待先
生宛轉開諭遂各棄兵歡呼矢永不反矣今當
其地之中建撫民館設通判一員駐劄教之詩
書以其子弟寄名籍學官日漸月磨漸且革面
懷音如中土民不異矣本兵楊博議及粵事深
以此爲得策云

烏梳幕府記終

先伯父豐陽公集皆歸老白鶴

山園搆撰無一句字官下作相孝

穰先生彙集為十二卷雖詩之為

首百四十三文僅五十有四篇而已

當公釋褐官祹曹歷二郡邛方

倡什聽署而分宜相亦已柄國一

時多美同聲以附名不醜送面而
得位者輩也惟公挺勁自立完
我胸懷醜固所嚴絕美亦不甘
啗無論不諂相門再改官再報
器至謂弇州何物少年報便村
標風雅每叱馭者毋使馬過其

門坎集中都無回署和唇惟子
與投分有駕湖一詩身今請作
具在有以進征張璉擁衆十萬
擒三偽王俘斬教千百功大不賞
剗以右端使在他人便有許多怨
耀公曾無進者憤今半語及至而

惟丘樊文契韻密名僧廢句運
篇已爾其視如秦門首啓韓園
作記之香溪渭南者何如也因知
以之為詩為文一如其為習郎為
藩臬不墮人醜不襲人美自成
其為豐陽歸老自成其為豐陽

先生集而無愧者乎

天啓壬戌九月望日姪振宗謹跋



大正

川島
宗書

